



Salida: 2017037449 Data: 29-11-2017 10:53  
Tipo: Notificación

**ASUNTO:** Resolución sobre solicitude de acceso a información sobre resolución de expediente de autorización demanial temporal da nova lonxa do porto de Ribeira.

Solicitante: .. Expediente: TBG 14/2017.

## I.- ANTECEDENTES.

**Primeiro.**- Obxecto da solicitude de acceso.

O día 31.10.2017, recíbese nos servizos centrais de Portos de Galicia escrito c/ no que solicita acceso a información sobre:

- *Resolución del expediente de selección de operador para la actividad de la explotación de la nueva lonja de pescado del puerto de Ribeira.*
- *Autorización otorgada para la explotación de la nueva lonja de pescado del puerto de Ribeira.*
- *Contratos y/o convenios suscritos con el adjudicatario.*

**Segundo.**- A partir da referida data empeza a contar o prazo dun mes para súa resolución previsto no artigo 20.1 da Lei 19/2013, do 9 de decembro e no artigo 27.4 da Lei 1/2016, do 18 de xaneiro, de transparencia e bo governo.

## II.- FUNDAMENTOS XURÍDICOS.

1

**Primeiro.**- Marco normativo xeral do acceso á información pública.

*A Lei 1/2016, do 18 de xaneiro reconece no seu artigo 24 o dereito de todas as persoas a acceder á información pública, entendida, como "os contidos ou documentos, calquera que sexa o seu formato ou soporte, que consten en poder dalgún dos suxeitos incluídos no ámbito de aplicación desta lei e que fosen elaborados ou adquiridos en exercicio das súas funcións".*

O preámbulo da Lei 19/2013, do 9 de decembre, configura o dereito de acceso á información pública de forma ampla, sendo titulares do mesmo todas as persoas. A Lei 1/2016, do 18 de xaneiro, sinala que a persoa solicitante non está obrigada a motivar a súa solicitude de acceso á información, no seu artigo 26.4.

Non en tanto, o exercicio deste dereito de acceso a información pública ten limitacións no seu exercicio e así a Lei 19/2013, do 9 de decembre, prevé nos artigos 14 e 15 uns límites ao dereito ao acceso, por razón da materia e por mor da protección dos datos de carácter persoal. Todas as solicitudes, que non entren dentro destes límites deberán ser atendidas, agás que existan limitacións e así se xustifiquen debidamente co chamado test de danos, ou algunha das causas de non admisión do artigo 18 desta lei.

Así, en expresión do Consello estatal de Transparencia, debe terse presente que facilitar a información é a regra xeral e a aplicación de limítelos é a excepción e temos que ter presente que a lei 21/2013 no seu Preámbulo, afirma expresamente que o dereito de acceso á información pública configúrase de forma ampla e devandito dereito soamente verase limitado naqueles casos en que así sexa necesario pola propia natureza da

información ou pola súa entrada en conflito con outros intereses protexidos. Así, a finalidade, principio e filosofía que impregna a apuntada Lei, é un acceso amplio á información pública; e os límites a tal acceso han de motivarse, interpretarse e aplicarse de modo razoado, restritivo e aquilatado a teor do chamado, test de dano; á luz da determinación do prexuízo que o acceso a determinada información pode producir sobre o interese que se pretende salvagardar coa limitación (Sentenza 85/2016, do 14 de xuño de 2016, do Xulgado Central do Contencioso Administrativo nº 5 de Madrid. PO 43/2015).

En definitiva, en principio, a lexislación aplicable ao dereito de acceso a información pública ven configurada pola Lei 19/2013, do 9 de decembro de transparencia, acceso á información pública e bo governo, de carácter básico, e a Lei 1/2016, do 18 de xaneiro, de transparencia e bo governo da Comunidade Autónoma de Galicia, xunto coa lexislación básica en materia de procedemento administrativo á que se remiten as anteriores e a Lei Orgánica 15/1999, do 13 de decembro, de protección de datos de carácter persoal (LOPDP).

**Segundo.**- Marco normativo especial. Regulacións especiais de dereito de acceso.

Sen prexuízo do sinalado no apartado anterior, a Disp. Adicional Primeira, apartado 2 da dita Lei 19/2013, establece que:

1. *La normativa reguladora del correspondiente procedimiento administrativo será la aplicable al acceso por parte de quienes tengan la condición de interesados en un procedimiento administrativo en curso a los documentos que se integren en el mismo.*
2. *Se regirán por su normativa específica, y por esta Ley con carácter supletorio, aquellas materias que tengan previsto un régimen jurídico específico de acceso a la información.*
3. *En este sentido, esta Ley será de aplicación, en lo no previsto en sus respectivas normas reguladoras, al acceso a la información ambiental y a la destinada a la reutilización.*

2

**Terceiro.**- Identificación suficiente da información pedida. Cualificación da petición de acceso á información e da posición xurídica do solicitante respecto do procedemento.

**a) Identificación suficiente da información pedida:**

A petición do caso é suficiente polo que non se considera necesario o trámite de concreción de solicitude previsto no artigo 19.2 da Lei 19/2013. Entendemos que se refire a instalacións de competencia da Comunidade Autónoma de Galicia.

**b) Cualificación da petición de acceso á información e da posición xurídica do solicitante respecto do procedemento:**

A Disp. Adicional Primeira, apartado 2 da dita Lei 19/2013, dispón que a normativa reguladora do correspondiente procedemento administrativo será a aplicable ao acceso por parte dos que teñan a condición de interesados nun procedemento administrativo en curso aos documentos que se integren neste.

O artigo 4 da Lei 39/2015, de PACAP, no que aquí afecta, considera interesados no procedemento administrativo a:

- a) Quen o promova como titulares de dereitos ou intereses lexítimos individuais ou colectivos.
- b) Os que, sen iniciar o procedemento, teñan dereitos que poidan resultar afectados pola decisión que no mesmo adóptese.
- c) Aqueles cuxos intereses lexítimos, individuais ou colectivos, poidan resultar afectados pola resolución e acúdanse no procedemento en tanto non recaeise resolución definitiva



Establecido o anterior sen que se evidencien outros datos neste intre, tendo en conta o contido desta concreta solicitude na nosa opinión . non ostenta a condición de interesado no procedemento.

**Cuarto.-** O acceso á información e aplicación de eventuais causas de inadmisión e/ou de limitación.

**a) Causas de inadmisión desta petición de acceso, en relación a:**

- *Resolución del expediente de selección de operador para la actividad de la explotación de la nueva lonja de pescado del puerto de Ribeira.*
- *Autorización otorgada para la explotación de la nueva lonja de pescado del puerto de Ribeira.*

Así respecto desta documentación pedida compre aplicar o criterio xa expresados noutros expedientes de acceso á información pública, as autorizacións demaniais portuarias deben considerarse terminados en canto ditos outorgamentos de autorización administrativa, implican unha resolución que legalmente pon, aquí puxo, fin á vía administrativa e contra da que non cabía outro recurso que o contencioso administrativo agás o previo e potestativo de reposición. E por outra parte esta documentación solicitada está elaborada. Non se aprecian tampouco outras causas de inadmisión do artigo 18 da Lei 19/2013.

**b) Causas de inadmisión desta petición de acceso, en relación a:**

- *Contratos y/o convenios suscritos con el adjudicatario.*

Dado que según se nos indica non existen contratos y/o convenios subscritos co adxudicatario, resulta aplicable como causa de inadmisión a inexistencia da documentación pedida, aplicando analóxicamente os supostos d) do artigo 18 da Lei 19/2013.

3

**c) Limitacións de acceso desta petición de acceso, respecto da solicitude de:**

- En relación á solicitude de copia *Resolución del expediente de selección de operador para la actividad de la explotación de la nueva lonja de pescado del puerto de Ribeira.*
- *Autorización otorgada para la explotación de la nueva lonja de pescado del puerto de Ribeira.*

As limitacións de acceso sinaladas na Lei 19/2013 deben interpretarse restritivamente e non operan automaticamente a favor da denegación nin absolutamente en relación aos contidos, senón que terán que aplicarse o test do dano, analizando se a estimación da petición supón un prexuízo concreto, definido e evitable, e o test do interese público, en canto a existencia deste interese que xustifica a desestimación da petición de acceso.

Todo esto aplicando as limitación dun xeito xustificado e proporcionado en función das circunstancias de cada caso concreto. E así se ten indicado no Criterio Interpretativo CI/008/2015 da Comisión de Transparencia e Bo Goberno da Administración Xeral do Estado.

Considerando que se pide copia dun título de ocupación de demanio portuario, consideramos que non se incurre en ningún dos supostos de limitación do artigo 14 da Lei 19/2013, en particular non se afecta aos suostos da letra h) *Los intereses económicos y comerciales* e j) *El secreto profesional y la propiedad intelectual e industrial*, deste artigo 14.



Xa que logo visto o réxime de explotación do demanio portuario de referencia; visto que o obxecto de información é coñecer o título concesional; visto que non observamos datos de carácter persoal no título concesional nin na autorizacións que deban ser protexidos, nin no marco da norma de ponderación razonada establecido no apartado 3 do artigo 15 da Lei 19/2013, estímase, que procede conceder ao acceso á información pedida, no tocante a entrega de copia de:

- *Resolución del expediente de selección de operador para la actividad de la explotación de la nueva lonja de pescado del puerto de Ribeira.*
- *Autorización otorgada para la explotación de la nueva lonja de pescado del puerto de Ribeira.*

Xa que logo visto o réxime de explotación do demanio portuario de referencia; visto o obxecto de información; visto que non observamos datos de carácter persoal no título da autorizacións que deban ser protexidos, nin no marco da norma de ponderación razonada establecido no apartado 3 do artigo 15 da Lei 19/2013, estímase, que procede conceder ao acceso á información pedida.

### III.- RESOLUCIÓN:

Xa que logo, neste caso vistos os antecedentes e fundamentos xurídicos anteriores, e conforme á proposta de resolución do xefe da S<sup>a</sup>. Xeral - Asesoría Xurídica de Portos de Galicia, esta Presidencia de Portos de Galicia, en canto órgano competente dita a seguinte resolución de estimación da solicitude de acceso a información:

**Primeiro.**- Acordar en canto que órgano competente outorgar o acceso de i . . . á información sobre:

4

- *Resolución del expediente de selección de operador para la actividad de la explotación de la nueva lonja de pescado del puerto de Ribeira.*
- *Autorización otorgada para la explotación de la nueva lonja de pescado del puerto de Ribeira.*

A tal efecto xuntase relación listada que contén a información solicitada.

**Segundo.**- Por non existir tal documentación, acordar en canto que órgano competente, indamitir a trámite da solicitude de acceso por . . . á información sobre:

- *Contratos y/o convenios suscritos con el adjudicatario.*

Contra desta resolución, que pon fin á vía administrativa, poderase interpoñer recurso contencioso-administrativo perante os xulgados de igual clase de Santiago de Compostela, no prazo de dous meses ou, previa e potestativamente, reclamación ante o Valedor do Pobo no prazo dun mes; en ambos os dous casos, o prazo contarase desde o día seguinte ao da notificación da presente resolución.

Santiago de Compostela a 28 NOV. 2017  
A PRESIDENCIA,  
-José Juan Durán Hermida-